



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Enchiridion Sev Manuale Episcoporum Pro Decretis in  
Visitatione, & Synodo, de quacumque re condendis.**

**Gavanti, Bartolommeo**

**Venetiis, 1650**

Beneficiorum mutatio.

**urn:nbn:de:hbz:466:1-9534**

- 3 Non possunt uniri plura beneficia simplicia. Riccius *in praxi resol.* 610. *in 2. edit.*
- 4 Neque possunt uniri beneficia de iure patronatus. Decisum refert Garz. *par.* 12. *cap. 2. num.* 210.
- 5 Et irrita omnino sunt uniones factae de beneficijs liberis ad Ecclesias Iuris patronatus. Trid. *sess.* 25. *cap.* 9.
- 6 Quae verò à 40. annis citra plenam incorporationem sunt consecutae, nihilominus ab Ordinarijs reuidentur, & si opus est, separentur. *ib. d.*
- 7 Potest Episcopus ex causa legitima unire beneficia non exempta. DD. apud Barbof. *alleg.* 66. *num.* 3.
- 8 Etiam si eorum collatio vigore concordiae spectet ad Capitulum. Idem *ibid.*
- 9 Potest unire etiam non perpetuo referuata beneficia. Garz. *d. cap.* 11. *num.* 91.
- 10 Etiam deuoluta Papae per negligentiam, ignorantiam, seu absentiam Praedecessoris Rebuff. *de deuolut.* *nu.* 31.
- 11 Parochiae quae certos fines non habent, sed certum populum, & per certas familias distinguuntur, uniri possunt. Decisum refert Garz. *d. cap.* 2. *n.* 88.
- 12 Possunt fieri uniones perpetuae ab Episcopo Ecclesiarum Parochialium, & beneficalium propter Ecclesiarum paupertatem sine prauidicio obtinentium. Trident. *sess.* 21. *cap.* 5.
- 13 Ne uniantur Parochiales Ecclesiae Monasterijs, Abbatijs, Dignitatibus, praebendis Ecclesiae Cathedralis, seu Collegiatae, nec alijs beneficijs simplicibus, aut Hospitalibus, seu Militijs, & quae sunt unire reuidentur. Idem *sess.* 24. *cap.* 13.
- 14 Neque pars fructuum Parochialis Ecclesiae potest uniri alteri. Decisum refert Garz. *d. cap.* 2. *num.* 87.
- 15 Debent autem fieri uniones ob euidentem necessitatem, vel vilitatem Ecclesiae. Garz. *ibid.* *num.* 108.
- 16 Et in perpetuum, non ad vitam. Barbof. *loco cit.* *num.* 8.
- 17 Cum consensu Capituli Garz. *d. cap.* 2. *num.* 145.
- 18 Et sufficit post unionem. Idem *ibidem* *num.* 147.
- 19 Nisi adsit contraria consuetudo, quae excludat Capituli consensum. Idem *n.* 152.
- 20 Si Episcopus unire, vt delegatus Sedis Apost. negant hunc consensum Nauar. & alii, affirmant alii, & decisum refert Garz. *cit.* *num.* 158.
- 21 In unione facta ipsi Capitulo, requiritur auctoritas Papae. Idem *num.* 168.
- 22 Secus, si fiat singulis praebendis singularim. Idem *num.* 170.
- 23 Sed verius potest Episcopus unire omnibus simul. Decisum refert idem *n.* 171.
- 24 Eorum denique, quorum interest, consensus est requirendus. Trid. *sess.* 7. *cap.* 6.
- 25 Unire assumit deinde naturam, & priuilegia, cui est annexum. Barbof. *loco cit.* *num.* 41. *V. Abbas nu.* 50. *Cap. Sede vac.* *n.* 39. *Seminarium clericorum à n.* 38. *ad* 44.

## A D D I T I O.

- 1 Non potest Episcopus unire beneficia affecta sedi Apostolicae. DD. cum Barbof. *de iur. Eccl.* l. 3. *cap.* 16. *num.* 30.
- 2 Neque beneficia litigiosa. *ibid.*
- 3 Potest unire beneficium suae Diocesis non curatum alicui Religioni, & Monasterio suae Diocesis. *ibid.* *num.* 36.
- 4 Potest unionem dissoluere Episcopus, & reuocare, cessante causa, ob quam facta est, vel quia redundat maius damnum Ecclesiae *ibid.* *in fine.*
- 5 Sed necessarius est capituli consensus, & vocatio defensoris eum causae cognitione. *ibid.*

## Beneficiorum mutatio.

- 1 NE conuertantur curata in beneficia simplicia. Trid. *sess.* 25. *cap.* 16.
- 2 Neque possunt erigi simplicia in Canonicatus. Congreg. Episc. 17. Aprilis 1584.
- 3 Potest autem ex causa conuerti Ecclesia simplex in curatam ab Episcopo. Garz. *part.* 12. *cap.* 5. *num.* 2.
- 4 Non potest Episcopus derogare qualitibus in beneficii fundatione appositis. Garz. *part.* 11. *cap.* 5. *num.* 344. & 371. 372. concedunt alii posse, apud Monet. *de comm. vlt. v. l.* *cap.* 10. *num.* 352.
- 5 Ex causa necessitatis, aut magnae vilitatis Ecclesiae, potest Episcopus derogare in ius etiam patronis. Lambert. *de iur. ep.* l. 2. *part.* 1. *q.* 7. *art.* 30. *nu.* 3. 7. 8. 12. & 15.
- 6 Nouem regulas à derogante obseruandas ponit Monet. *supra à nu.* 533. *ad* 542.
- 7 Fun-



- 7 Fundator Ecclesiæ, seu beneficii, seu hæres, vel successor fundatoris, seu executor testamentarius ab eo deputatus cū consensu Episcopi mutare potest statum Ecclesiæ. Viuian. de iurepatron. part. 3. lib. 14. cap. 4. num. 14.
- 8 Formam mutationis. vide apud Monct. vbi supra cap. 11. à num. 451. ad 439.

## ADDITIO.

Verius non potest Episcopus mutare Parochialem in collegiatam. DD. cum Barbosa. de iure Eccl. 32. 2. 27. cap. 6. nu. 1. et de casum refert 2. tuncy 1626. Loter. de re benef. lib. 1. q. 14. num. 49.

## Bibliotheca Canonorum.

- 1 Constituat cum Indice librorum. Prou. 4.
- 2 Præfectus eligatur ab Episcopo de Concilio Capituli. *ibid.*
- 3 Duret eius officium arbitrio Episcopi. *ibid.* si alia sit eligendi consuetudo, feruetur. *ibid.*
- 4 Ineat ratio eam augendi. *ibid.*

## Blasphemia.

- 1 Clericus Deum, vel B. V. expressè blasphemans, prima vice priuetur fructibus beneficiorum vnius anni. Pius V. Anno 1566.
- 2 Pro altera vice beneficijs priuetur. *ibid.*
- 3 Pro tertia vice omnibus dignitatibus, & in exilium mittatur. *ibid.*
- 4 Si caret beneficio, luat pœnam pecuniariam, vel corporalem pro prima vice; carceri detur pro altera; pro tertia verbaliter degradetur, & ad triremes mittatur. *ibid.*
- 5 Pro blasphemia in Sanctos, arbitrio iudicjs, habita ratione qualitatis blasphemie, & personæ. *ibidem.*

## Bona Ecclesiastica.

- 1 E A quouis modo vsurpantes, seu impediens, anathemati subiacent, donec fiat restitutio, & absolutio Papæ referatur. Trid. sess. 21. cap. 1.
- 2 Patronus autem priuetur etiam Iure-

patronatus, & Clericus, etiam beneficijs, & ab ordinum executione sit suspensus, etiam post absolutionem prædictam, arbitrio Ordinarij. *ibid.*

3 Et hæc Decreta quotannis euulgentur. Prou. 5.

4 Bona Confraternitatum, & Hospitalium erectorum sine auctoritate Episcopi sunt laicalia; si verò illius auctoritate, sunt ecclesiastica. Barbosa. de potest. Episc. alleg. 75. num. 32.

5 Locationes anticipatis solutionibus factæ in præiudicium successorum sunt inuvalidæ. Trident. sessione 25. cap. 11.

6 Neque licet locare Iurisdictiones ecclesiasticas, seu facultates nominandi, aut deputandi Vicarios in spiritualibus; neque licet conductoribus per se, aut alios exercere. *ibid.*

7 Locationes ad longum tempus, seu, ad 29. annos, aut bis 29. annos, irritæ sunt, & nullæ. *ibid.*

8 Nemini liceat locare bona Ecclesiæ propinquis, intra tertium gradum in emphyteusim, aut ad tempus, etiam per suppositas personas sine magna utilitate Ecclesiæ, iudicio Episcopi, sub pœna nullitatis, & alijs arbitrio Episcopi Pro. 1.

9 Neque item Patronis, neque ijs, quorum cessione ea beneficia obtenta sunt, nisi vt supra, alijs mulsetur beneficiarius fructibus vnius anni quos inde capit. Prou. 2.

10 Solutio, quæ fit quotannis titulo emphyteusis, vel ad longum tempus locationis, fiat per scripturam Notarij, addita causâ, & quantitate pecuniæ. *ibid.*

11 Et instrumenta eiusmodi spatio mensis tradantur Episcopo in Archiuio seruanda. *ibid.*

12 Inuestitura feudorum renouentur à successoribus cum iuramento fidelitatis. Prou. 1.

13 In his renouationibus, omnia bona, & eorum fines nominatim in instrumento describantur. *ibid.*

14 Emphyteuta, vel colonus iurans soluere Canonem singulis annis, non soluto Canone, poterit ante biennium expelli. Nald. Emphyteusis. num. 2.

15 Potest vice caducitatis duplicari Canon seu fictus consuetus. Mar. Antonin. l. 1. resol. 30. in fine.